

U73
4d

26075
U-15

2010

Одобрено Попечительск. Совѣтомъ Кавказск. Учебн. Округа

Ծրական և պետական դպրոցների համար

ԴԱՍԱՏԵՏՐ

Ա. տարի

Ժ. տպ.

2(075)

ԿՐՕՆԻ

Ա-15

Գինն է 25 կոպ.



Մանկ ա. Բ. Մանկանց

Թ Ի Յ Լ Ի Ս

Տպարան «Հասկերան», Նիկի. № 17

1912

18

Ի ՀԱՅՐԱՊԵՏՈՒԹԵԱՆ

Տ. Տ. ԳԵՈՐԳ Ե.

Սրբազնագոյն Կաթողիկոսի Ամենայն Հայոց, Ժայ-
րագոյն Պատրիարքի Համազգական Նախամեծար
Արարատեան Առաքելական Մայր Աթոռոյ Սրբոյ
Կաթողիկէ Էջմիածնի:

Ըստ քարծու հրամանի Նորին Օծովեան Վեհա-
փառ Հայրապետի ազգիս Տ. Տ. Մ Կ Ր Տ Ձ Ի Ա.
Դիւանս թոյլատրէ տալազրութիւն դասազրոյս եւ
վաւերացուցանէ ստորագրութեամբ եւ ղրոշմամբ
կնքոյ Հայրապետական Դիւանի:

Ի 1-ն յուլիսի 1899 թի, Ի Ս. Էջմիածնի:

Դիւանապետ Կորին վարդապետ:



Ա.

1.

Յանուն Հօր և Ուրդւոյ
և Հոգւոյն Սրբոյ. ամէն:

2.

Հայր մեր, որ յերկինս, սուրբ
եղիցի անուն քո. եկեսցէ արքայու-

թիւն քո. եղիցին կամք քո որպէս յերկինս և յերկրի. զհաց մեր հանապազորդ՝ տո՛ւր մեզ այսօր, և թո՛ղ մեզ զպարտիս մեր, որպէս և մեք թողումք մերոց պարտապանաց, և մի՛ տանիր զմեզ՝ ի փորձութիւն, այլ փրկեա՛ն զմեզ՝ ի չարէն, զի քո է արքայութիւն և զօրութիւն և փառք յաւիտեանս ամէն:

Երկնաւոր Հայր, քո անունը սուրբ լինի. քո թագաւորութիւնը գայ. քո կամքը լինի ինչպէս երկնքումը, այնպէս էլ երկրի վրայ. մեր ամենօրեայ հացը տո՛ւր մեզ այսօր. մեր պարտքը թո՛ղ մեզ, ինչպէս որ մենք էլ մեր պարտապաններին ենք թողնում. մի՛ ձգիր մեզ փորձութեան մէջ, այլ փրկիր չարիցը, որովհետեւ յաւիտեանս քոնն է թագաւորութիւնը, զօրութիւնը և փառքը. ամէն:

3. Ա Ղ Օ Թ Ք Դ Ա Ս Ի Յ Ա Ռ Ա Զ*)

Ամենաբարի Աստուած, առաքեա՛ն առ մեզ զՀնորհա Հոգւոյդ Սրբոյ, զի

*) Դիւլեւ 3, 4, 5. Պետ. զպրոցների համար:

պարգևեսցէ մեզ զմիտս և կազդուրեսցէ զզօրութիւնս հոգւոց մերոց, որպէսզի մեք ընդունելով զաւանդեալ մեզ ուսմունս, զարգասցուք բեզ ըստեղծողիդ մերում՝ ի փառս, ի մխիթարութիւն ծնողաց մերոց, յօգուտ եկեղեցւոյ և հայրենեաց:

Ամենաբարի Աստուած, ուղարկիր մեզ Սուրբ Հոգուդ Հնորհը, որ մեզ միտք պարգևէ, զօրացնէ մեր հոգու կարողութիւնները, որպէսզի ուսում ստանանք, մեծանանք Ստեղծողիդ փառքի համար՝ մեր ծնողներին մխիթարելու և եկեղեցուն ու հայրենիքին օգտակար լինելու:

4. Ա Ղ Օ Թ Ք Դ Ա Ս Ս Ի Յ Ե Տ Ո Յ

Քոհանամք զքէն, Արարիչ, զի արժանի արարեր զմեզ Հնորհաց բոց՝ ընդունելութեան ուսմանս: Օրհնեա՛ն զմեծաւորս, զԾնողս և զուսուցիչս մեր, որք առաջնորդեն մեզ ի գիտութիւն բարութեան և տո՛ւր մեզ կարողու-

Թիւն 'ի շարունակութիւն ուսմանս
այսորիկ:

Շնորհակալ ենք քեզնից, արարիչ Աստուած,
որ արժանացրիր մեզ ուսումնս ստանալու. օրհնիր
մեր մեծաւորներին, ծնողներին և ուսուցիչնե-
րին, որոնք առաջնորդում են մեզ գէպի բարին.
տո՛ւր մեզ ոյժ և կարողութիւն այս ուսումը շա-
րունակելու:

5. Ա. Ղ. Օ. Թ. Ք. Թ. Ա. Գ. Ա. Ի. Ո. Ր. Ի. Հ. Ա. Մ. Ա. Ր.

Տէր Աստուած մեր, կեցո՛ղ զամե-
նաբարեպաշտ Թագաւորն և զԿայսրն
Ռուսաց զՆիկողայ Ալեքսանդրովիչն:
Զորացո՛ղ զնա, օգնեա՛ն զաւակաց և զօ-
րաց նորա՝ պահելով զամենեւին 'ի
խաղաղութեան:

Տէր Աստուած, կեանք տո՛ւր Ռուսաց Ամե-
նաբարեպաշտ Թագաւոր և Կայսր Նիկողայ Ալեք-
սանդրովիչին: Զօրացրո՛ւ նրան, օգնիր նրա՝ զա-
ւակներին, զօրքին և ամենին խաղաղութեան
մէջ պահպանիր:

Բ.

6. ՍՈՒՐԲ ԿՈՅՍ ՄԱՐԻԱՄԻ ԾՆՈՒՆԴԸ ԵՒ
ՏԱՃԱՐԻՆ ԸՆԾԱՅԵԼԸ

Քանանացւոց երկրում մի բաղաբ-
կար՝ անունը Նազարէթ: Այդ բաղա-
բում ապրում էր մի բարեպաշտ մարդ
Յովակիմ անունով՝ իւր Աննա կնոջ
հետ: Սրանք որդի չունէին, դրա հա-
մար էլ շատ էին տխրում և Աստծուն
միշտ աղօթում էին, որ իրանց մի
զաւակ պարգևէ: Մի անգամ էլ աղօ-
թելիս խոստացան, որ եթէ Աստուած
իրանց խնդիրը լսէ և մի որդի պար-
գևէ, իրան կընծայեն, որ տաճարին
ծառայէ: Աստուած լսեց բարեպաշտ
ծնողների աղօթքը և մի աղջիկ պար-
գևեց նրանց, որի անունը Մարիամ
դրին: Երբ աղջիկը երեք տարեկան
դարձաւ, Յովակիմն ու Աննան, ինչ-
պէս խոստացել էին, տաճար տարան

նրան և ընծայեցին Աստծուն, իսկ իրանք դարձան Նազարէթ: Մարիամը մնաց տաճարում. քահանայապետը նրա ուսուցիչն էր. սովորցնում էր նրան սուրբ գիրք կարդալ, աղօթել և տաճարին ծառայել: Մարիամի նման ուրիշ շատ աղջիկներ էլ կային այնտեղ: Մարիամը մնաց տաճարում մինչև տասն և չորս տարեկան դառնալը: Նրա ծնողները մեռան, ուստի քահանաները Մարիամին յանձնեցին իւր ազգական նազարէթցի ծերունի Յովսէփին, որի մօտ և ապրում էր: Յովսէփն արհեստով հիւսն էր:

Սուրբ կոյս Մարիամի ծննդեան տօնը կատարում ենք սեպտեմբերի 8-ին, իսկ տաճարին ընծայելը՝ նոյեմբերի 21-ին:

7. Ա Ի Ե Տ Ո Ի Մ Ն

Մարիամը, ինչպէս տաճարում, այնպէս էլ Յովսէփի տանը, ազատ ժա-

մերին սուրբ գիրք էր կարդում և աղօթում:

Մի անգամ, երբ Մարիամն աղօթում էր, Գաբրիէլ հրեշտակը երևաց նրան և ասաց. «Ողջոյն քեզ, Մարիամ, Աստուած քեզ հետ է»: Երբ Մարիամը հրեշտակին տեսաւ, վախեցաւ ու մտածում էր, թէ ի՞նչու համար է հրեշտակը իւր մօտ գալիս և ողջունում: Հրեշտակն ասաց. «Մի վախիր, Մարիամ, Աստուած քեզ շատ է սիրում, դու մի որդի կունենաս և նրա անունը Յիսուս կդնես: Նա Աստուծոյ որդի կկոչուի, բոլոր մարդկանց կխրատի, կքարոզի և նրանց Փրկիչը կլինի»:

Մարիամը խոնարհ կերպով պատասխանեց և ասաց. «Ես Աստծու աղախինն եմ, ինչպէս նրա կամքն է, թող այնպէս էլ լինի»: Սրանից ետոյ հրեշտակը հեռացաւ Մարիամից:



Գաբրիել հրեշտակի Մարիամ կուսին աւետիք տալը տօնուժ ենք ապրիլի 7-ին: Այս տօնի անունն է Աւետուած:

8. ՔՐԻՍՏՈՍԻ ԾՆՈՒՆԴԸ

Հին ժամանակ, երբ թագաւորներն ուզում էին իմանալ, թէ իրանց երկրի մէջ քանի մարդ կայ, հրամայում էին ամենին, որ գնան իրանց հայրենի քաղաքը՝ այնտեղի ցուցակի մէջ գրուեն և ապա սկսում էին համարել: Այդպիսի մի հրաման դուրս եկաւ հէնց Յիսուս Քրիստոսի ծննդեան ժամանակ:

Յիսուսի ծնողները—Յովսէփն ու Մարիամը կենում էին Նազարէթ քաղաքում: Բայց որովհետեւ Յովսէփը բեթղեհէմցի էր, այդ պատճառով վեր կացաւ և եկաւ իւր հայրենի քաղաքը: Յովսէփն աղբատ էր, քաղաքի մէջ չկարողացաւ տուն վարձել, դրա հա-

մար վեր եկաւ բաղաքից դուրս մի
այրու՛մ, ուր հովիւները վատ եղանա-



կին իրանց ոչխարներն էին բերում:

Այդ գիշեր Յիսուսը ծնուեց: Ծը-
նողները փաթաթեցին նրան բարուրի
մէջ և դրին մարում:

Բեթղեհէմը մեր երկրի նման ցուրտ
չէ, այնտեղ տաք է—ձմեռը դրսում
կարելի է քնել: Այն երկրի հովիւնե-
րը ամառ ձմեռ իրանց ոչխարները
դուրսն էին պահում, միայն անձրևա-
յին եղանակին այրն էին բերում:

Երբ Յիսուս ծնուեց, ոչ ոք չգի-
տէր—հովիւները դաշտումն էին և ի-
րանց ոչխարներն էին պահում: Յան-
կարժ օգի մէջ մի հրեշտակ երևաց:
Այս բանից հովիւները վախեցան: Հը-
րեշտակն ասաց. «Մի վախենաք, ես
ձեզ և բոլոր մարդկանց մեծ ուրախու-
թիւն եմ յայտնում—ձեզ համար
Բեթղեհէմում Փրկիչ է ծնուել, նա
այրումն է, բարուրում փաթաթած և



մարի մէջ դրած»։ Այս խօսքերից ետոյ յանկարծ բազմաթիւ հրեշտակներ երևացին, որոնք երգում էին և ասում. «Փառք 'ի բարձունս Աստուծոյ և յերկիր խաղաղութիւն, 'ի մարդիկ հաճութիւն» — փառք Աստծուն երկնքումը, այսուհետեւ երկրիս վրայ խաղաղութիւն և մարդկանց մէջ սէր ու միաբանութիւն կլինի։

Երգելուց ետոյ հրեշտակները հեռացան։ Հովիւներն ասացին մէկ մէկու. «Գնանք Բեթղեհէմ և տեսնենք այս ինչ բան է, որ Աստուած ցոյց տուեց մեզ»։ Նրանք շտապով եկան և գտան Մարիամին, Յովսէփին և մանուկին բարուրի մէջ փաթաթած ու մարում դրած։ Երբ տեսան, փառք տուին Աստծուն, երկրպագեցին մանուկին, այրից դուրս եկան և ամեն պատահողի աւետիք էին տալիս ու ասում, թէ Փրկիչը ծնուել է։

Յիսուսի ծնունդը կատարում ենք յունուա-
րի 5-ին:

Շարական ծննդեան

Խորհուրդ մեծ և սքանչելի,
Որ յայսմ աւուր յայտնեցաւ,
Հովիւք երգեն ընդ հրեշտակս՝
Տան աւետիս աշխարհի:

Այսօր մեծ և զարմանալի խորհուրդ յայտ-
նուեց—հովիւները հրեշտակների հետ երգում են
և աշխարհին աչքալոյս տալիս:

Ծնաւ նոր արքայ
'ի Բեթղեհէմ քաղաքի,
Որդիք մարդկան օրհնեցէք,
Զի վասն մեր մարմնացաւ:

Նոր թագաւոր ծնուեց Բեթղեհէմ քաղա-
քում, մարդիկ, օրհնեցէք նրան, որովհետեւ նա
մեզ համար ծնուեց:

Զ. ՔԱՌԱՍՈՒՆ ՕՐԱԿԱՆ ՅԻՍՈՒՍԻՆ ՏԱՆՈՒՄ
ԵՆ ՏԱՃԱՐ

Հրէաների մէջ սովորութիւն կար
—ով անդրանիկ և արու զաւակ էր
ունենում, քառասուններորդ օրը մա-
նուկին տանում էին Երուսաղէմի տա-
ճարը, նուիրում Աստծուն, ետոյ զոհ
էին անում, յետ գնում և դառնում
իրանց տուն: Հարուստ ծնողները զո-
հում էին մի գառը, իսկ աղքատները՝
մի զոյգ աղաւնի կամ տատրակ:

Երբ Յիսուս քառասուն օրական
դարձաւ, ծնողները նրան էլ տարան
Երուսաղէմի տաճարը: Եւ որովհետեւ
նրանք աղքատ էին, հետները վերց-
րին մի զոյգ աղաւնի:

Այդ ժամանակ Երուսաղէմում կե-
նում էր մի ծերունի մարգարէ՝ Սի-
մէօն անունով: Նա խնդրել էր Սուրբ
Հոգուն՝ մինչև Յիսուսին աչքով չտես-

նէ, չմեռնի: Երբ Յիսուսին տաճար
բերին, Սիմէօն ծերունին իմացաւ նրա
գալը. դուրս եկաւ նրա առաջ. գլը-



կեց. փառք տուեց Աստծուն և ասաց.
«Տէր Աստուած, այժմ ան իմ հոգին,
որովհետեւ ես տեսայ Փրկչին, որին
սպասում էի»: Յովսէփն ու Մարիամը

դարմանում էին այս խօսքերի վրայ:
Տաճարում մի կին մարգարէ էլ
կար՝ Աննա անուանով: Սա ևս ճանաչեց
Յիսուսին. փառաբանում էր Աստծուն
և ամենին պատմում, թէ նա այն
Փրկիչն է, որ Աստուած խոստացել է:

Այս տօնը կատարում ենք Փետրուարի 14-ին.
տօնի անունն է—Տ ե ա ո ն ը ն դ ա ո ա ջ:

10. ՏԱՄՆԵՐԿՈՒ ՏԱՐԵԿԱՆ ՅԻՍՈՒՍ ԳՆՈՒՄ Է ՏԱՃԱՐ

Հրէաները մեզ նման ամեն բա-
ղարում և գիւղում եկեղեցի չունէին:
Նրանք միայն մի տաճար ունէին ամ-
բողջ երկրի մէջ՝ այն էլ Երուսաղէմ
բաղարում: Իրա համար ամեն տարի
հեռու տեղերից բազմաթիւ ուխտա-
ւորներ էին գալիս, մանաւանդ Զատ-
կի տօնին: Ուխտաւորներն այնքան
շատ էին լինում, որ բաղարի մէջ
այլևս տեղ չէր լինում, դրա համար

բաղաբից դուրս՝ լեռների վրայ վրան-
ներ էին խփում և այնտեղ կենում:
Տօնը տևում էր եօթն օր: Փոքրերին
չէին տանում հետները, վախենում-
էին, որ բազմութեան մէջ չկորչեն:

Յիսուսի ծնողներն էլ Զատիկի տօ-
նին ամեն տարի ուխտ էին գնում:
Երբ Յիսուս տասն երկու տարեկան
դարձաւ, առաջին անգամ նրան էլ
հետները տարան:

Տօնի օրերն անցան: Ծնողները կա-
մենում էին Նազարէթ դառնալ, բայց
յանկարծ տեսան, որ մանուկ Յիսու-
սը չկայ: Բաղաբի մէջ շատ փնտոե-
ցին, բայց չգտան: Կարծեցին թէ ծա-
նօթների կամ հարեանների հետ Նա-
զարէթ դարձած կլինի, դրա համար
Երուսաղէմից դուրս եկան. մի օրուայ
ճանապարհ եկան, հասան իրանց ծա-
նօթներին. հարց ու փորձ արին, բայց
չգտան: Նորից ետ դարձան Երուսա-

ղէմ, մի օր էլ այնտեղ փնտոեցին և



եբրորդ օրը գտան նրան տաճարում:

Յիսուս այստեղ վիճաբանում էր վարդապետների հետ—նրանց հարցեր էր տալիս և պատասխանում առաջարկած հարցերին։ Ամենքն էլ զարմանում էին նրա իմաստուն պատասխանների վրայ և ասում—*«Որտեղից գիտէ սա այսքան բաներ։ Ծնողները, երբ Յիսուսին տեսան, շատ ուրախացան։ Մայրն ասաց, «Որդեակ, այդ ի՞նչ բերիր մեր գլխին—երեբ օր է՝ եո և հայրդ քեզ փնտռում ենք»։ Յիսուս պատասխանեց, «Մի՞թէ չգիտէիք, որ ես իմ հօր տանը կլինեմ»։ Սրանից ետոյ Յիսուս ծնողների հետ դարձաւ Նազարէթ. նա հնազանդ էր—լսում էր նրանց խօսքին և օգնում հօրը հիւսնութեան մէջ։*

11. ՅԻՍՈՒՍԻ ՄԿՐՏՈՒԹԻՒՆԸ

Յորդանան գետի ափերու մի

իմաստուն մարդ էր բնակւում՝ Յովհաննէս անունով։ Նա մարգարէ էր, քարոզում էր—մարդիկ ամեն կողմից



գալիս էին նրա մօտ, խորհուրդ էին հարցնում և խոստովանում իրենց մեղքերը՝ սխալները։ Ով խոստովանում էր

չկրկնել իւր սխալները, Յովհաննէսը նրան մկրտում էր Յորդանան գետի մէջ և ասում—էս քո մարմինը մաքրեցի, գնա դու էլ սիրտդ մաքրիր:

Յիսուսն էլ եկաւ Յովհաննէսի մօտ մկրտուելու: Նա արդէն երեսուն տարեկան էր: Յիսուս զեռ չէր մօտեցել Յովհաննէսին, որ նա հեռուից ճանաչեց նրան և բարձր ձայնով ասաց իւր մօտ կանգնողներին. «Այ, տեսէք Աստծու զառը զալիս է, սա պէտք է մարդկանց ազատէ իրանց մեղքերից»:

Յիսուս մօտեցաւ Յովհաննէսին և յայտնեց, որ կամենում է նրանից մկրտուել: Յովհաննէսը զարմացաւ և ասաց. «Ն'ս պէտք է բեզնից մկրտուեմ, դո՛ւ ես ինձ մօտ զալիս»: Յիսուս պատասխանեց. «Մկրտիր ինձ, որովհետեւ դու տարիքով ինձնից մեծ ես»: Սրբանից ետոյ Յովհաննէսն էլ չհակա-

ռակեց և մկրտեց Յիսուսին Յորդանան գետի մէջ:



Երբ Յիսուս մկրտուեց և ջրից դուրս եկաւ, երկինքը բացուեց և

Սուրբ Հոգին աղաւնու կերպարանքով իջաւ նրա վրայ, իսկ հայր Աստուածն էլ վերեւից ձայն տուաւ. «Դա է իմ սիրելի որդին, որին ես հաւանեցի, դրան լսեցէք»:


Մինչև այժմ շատ քիչ մարդիկ գիտէին, թէ Յիսուս Աստծու որդին էր, բայց հիմա ամենքն էլ պարզ կերպով տեսան և հաւատացին, որ նա Աստծու որդին է: Դրա համար էլ մըկրտութեան օրը մարդիկ իրար շնորհաւորում են և ասում. «Շնորհաւոր յայտն ու թիւն»:

Յիսուսի մկրտութեան տօնը կատարում ենք յունուարի 6-ին: Նոյն օրը կատարում ենք և ծննդեան տօնը:

12. ՅԻՍՈՒՍ ՔԱՐՈՉՈՒՄ Է ԵՒ ԲԺՇԿՈՒՄ

Յիսուս իւր մկրտութիւնից ետոյ սկսեց շրջել երկրի մէջ և ամեն տեղ քարոզում ու բժշկում էր—կոյրերին

աչք էր տալիս, կաղերին՝ ոտք, խուլներին լսողութիւն և մեռելներին՝ յա-



րութիւն: Յիսուս օր ու գիշեր հան-

գիտտ չունէր, ման էր գալիս ամեն տեղ և քարոզում—տխուրներին մը- խիթարում էր, հարուստներին ասում- էր, որ իրանց ունեցածից աղքատնե- րին էլ բաժին տան. ամենին խրատում- էր, որ միմեանց օգնեն և սիրեն ի- րար՝ ինչպէս ինքն է սիրում ամենին: Փոքրերին խրատում էր, որ ծնողնե- րին լսեն և ուսուցիչներին յարգեն: Յիսուս այնպէս սիրուն էր քարոզում, որ ժողովուրդն էլ չէր գնում քահա- նաների մօտ, այլ միշտ գալիս էր նրա քարոզը լսելու: Քահանաները նա- խանձում էին և ասում—եթէ այս- պէս թողնենք, ամենքն էլ Յիսուսի մօտ կգնան, էլ մեզ մօտ ոչ որ չի գայ, մեր պատիւը և արդիւնքը կպա- կասի: Այս պատճառով քահանաները թշնամացան Յիսուսի հետ և մտա- ծում էին նրան սպանել տալ:

Յիսուս ինչ որ խօսւթով քարոզում-

էր, նոյնը գործով էլ ցոյց էր տալիս, իսկ քահանաները միայն ասում էին, իսկ իրանց ասածները իրանք էլ չէին կատարում:

13. ՄԱՐԻԱՄ ԵՒ ՄԱՐԹԱ

Մի անգամ Յիսուս քարոզելով եկաւ իւր ծանօթ Ղազարոսի մօտ, որ կենում էր Բեթանիա գիւղում՝ Երու- սաղէմին մօտիկ: Ղազարոսը երկու բոյր ունէր, մէկի անունը Մարթա էր, իսկ միւսին՝ Մարիամ: Երկու բոյրն էլ Յիսուսին շատ էին սիրում: Երբ իմացան, որ Յիսուս հիւր է եկել՝ էլ չգիտէին թէ ինչպէս պատիւ տան նը- րան: Մարիամը նստեց Յիսուսի մօտ և ուշադրութեամբ լսում էր նրա ա- սածները: Իսկ Մարթան մեծ պատ- րաստութեան մէջ էր—աշխատում էր



տեսակ-տեսակ կերակուրներ պատ-
րաստել Յիսուսի համար:

Մարթան երբ տեսաւ, որ Մարիա-
մը չի գալիս իրան օգնելու, եկաւ Յի-
սուսի մօտ և ասաց. «Տէր, տեսնու՞մ-
ես, որ քոյրս ինձ մենակ է թողել, ա-
սան, որ զայ և ինձ օգնէ»: Յիսուս
պատասխանեց. «Մարթան, Մարթան,
կարիք չկայ այդքան կերակուրներ
պատրաստելու, մի տեսակ էլ որ լինի,
բաւական է ինձ համար: Դու կարող
ես քո քոյր Մարիամից օրինակ վերց-
նել, նա աւելի լաւ ձեռով է պատուում
ինձ՝ նա լսում է իմ բարոգները—
ով ինձ սիրում է, թող իմ խօսքերը
լսէ և կատարէ»:

Սրանով Յիսուս մեզ սովորեցնում
է, որ Մարթայի պէս աշխատասէր
լինենք և Մարիամի նման մեծի
խօսքը լսող:

14. Յ Ո Ի Դ Ա Յ

Յիսուս ունէր տաաներկու աշակերտ, նրանք կոչւում են առաքեալներ: Սրանցից մէկը, որի անունը Յուզայ էր, լաւ մարդ չէր, աչքածակ էր, փող շատ էր սիրում: Զատիկը մօտեցել էր: Այդ ամսից առաջ Յուզան ծածուկ գնաց Յիսուսի թշնամիների՝ քահանաների մօտ և ասաց. «Ի՞նչ կտաք ինձ, որ Յիսուսին ձեզ մատնեմ»: Նրանք ուրախացան և երեսուն արծաթ փող խոստացան:

Այնուհետև Յուզան յարմար ժամանակ էր փնտռում՝ թէ ինչպէս Յիսուսին մատնէ, որ նա չիմանայ: Բայց Յիսուս Աստծու որդի էր, նա ամեն բան գիտէր: Յիսուս տեսաւ, որ Յուզան իրեն պիտի մատնէ և իւր մահը մօտենում է, ուզեց վերջին անգամ իւր բոլոր աշակերտներին հետ միա-

սին Զատիկի ընթրիքն ուտել: Յիսուս կամեցաւ էլի մի անգամ սրտանց խօսել նրանց հետ, խրատել և այնպէս բաժանուել:

15. Ո Տ Ն Ա Լ Ո Ի Ա Յ

Երեք օր էր մնացել մինչև հրէաների Զատիկը: Այդ օրերում նրանք ուտում էին բաղարջ հաց և խորոված գառը: Աւագ հինգշաբթի օրը Յիսուս պատուիրեց իւր աշակերտներին վերնատան մէջ ընթրիք պատրաստել, որ զատիկը միասին կատարեն: Աշակերտներն էլ այնպէս արին, ինչպէս որ ուսուցիչը պատուիրեց: Երեկոյեան Յիսուս տասն և երկու առաքեալների հետ սեղան նստեց և ասաց. «Սրտով ցանկացայ այս ընթրիքը ձեզ հետ ուտել՝ մահիցս առաջ»: Հրէաները սովորութիւն ունէին

հացից առաջ լուացուել, ուստի Յիսուս այս ասելուց ետոյ՝ ընթրիքից վերկացաւ, հանեց վերնի շորերը, մէջքին սրբիչ կապեց, ջուրն ածեց կոն-



քի (աւագանի) մէջ, սկսեց աշակերտների ոտները լուալ և սրբել։ Ոտները լուալուց ետոյ Յիսուս ասաց իւր աշակերտներին. «Տեսա՞ք ես ինչ արի։ Դուք ինձ կանչում էք տէր և

վարդապետ, շատ էլ լաւ էք անում։ Եթէ ես խոնարհութիւն արի և ձեր ոտները լուացի, ուրեմն դուք էլ ամենի հետ այդպէս խոնարհ պիտի վարուէք»։

Սրանից ետոյ ընթրիքի նստեց և տխուր ձայնով ասաց իւր աշակերտներին. «Ձեզնից մէկն այս գիշեր ինձ պիտի մատնէ»։ Այս նրա համար ասաց, որ իրան մատնող աշակերտն զգուշանայ, սխալն ուղղի, բայց իզո՞ւր։ Յուդան այնպէս էր ցոյց տալիս իրան, որպէս թէ ինքը չէ մատնողը և ոչինչ չգիտէ։

Աշակերտներն այս խօսքերի վրայ տրտմեցան և միմեանց էին նայում— չգիտէին թէ ում մասին է ասում։ Ամեն մէկը տեղից վեր էր կենում և հարցնում. «Տէր, մի՞թէ ես եմ»։ Յուդան էլ հարցրեց. «Մի՞թէ ես եմ, վարդապետ»։ Յիսուս պատասխանեց. «Դո՛ւ

ես ասում, թէ ես եմ», ետոյ աւել-
լացրեց. «Գնա, ինչ անելու ես, շու-
տով արա»։ Յուդան երբ տեսաւ, որ
Յիսուս, ամեն բան գիտէ, ամօթից էլ
չկարողացաւ մնալ այնտեղ, վերկացաւ
և գնաց նրա թշնամիների մօտ։ Ար-
դէն երեկոյ էր—մթնել էր։

Աւագ հինգշաբթի օրը քահանան եկեղեցում
կատարում է ոտնալուսայի կարգը և կարագ իւղ
է բաժանում։

Ո տ ն ա լ ու ա յ ի շ ա ր ա կ ա ն

Այսօր կանգնեցաւ

Աւագան մկրտութեան

’ի թողութիւն մեղաց մերոց։

Այսօր հաստատուեց մկրտութեան աւագան
մեր մեղքերի թողութեան համար։

Այսօր Տէրն մեր

Լուանայր զոտս աշակերտաց

Եւ պատուիրէր զայս ասելով։

Այսօր մեր տէր Յիսուս լուանում էր իւր
աշակերտների ոտները և պատուիրելով ասում էր։

Մի ոմն ի ձէնջ, եղբայրք,
Մատնելոց է զիս ’ի մահ
Եւ որոշի յաշակերտացդ։

Ձեզնից մէկը, եղբայրներ, ինձ մահուան
պիտի մատնէ և բաժանուի աշակերտներիցդ։

16. ԽՈՐՀՐԴԱԴՈՐ ԸՆԹՐԻՔ

Երբ Յուդան դուրս գնաց, Յիսուս
ասաց. «Ձեզ մօտ երկար չեմ կարող
մնալ, շուտով պիտի հեռանամ ձեզնից,
բայց դուք իրար այնպէս պիտի սիրէք՝
ինչպէս որ ես եմ ձեզ սիրել—սրա-
նով ամենքն էլ կիմանան, որ դուք
իմ աշակերտներն էք»։

Բացի սրանից Յիսուս կամեցաւ
մի ուրիշ յիշատակ էլ թողնել, որ
երբ ինքն այլևս երկրի վրայ չի լի-
նի, իրան միշտ յիշեն։ Ուստի ընթ-
րիքից ետոյ առաւ բաղարջ հաց, օրհ-
նեց, կոտրտեց, աշակերտներին բա-

ժանեց և ասաց. առէ՛ք, կերէ՛ք այս է
իմ մարմինը»։ Ետոյ մաքուր գինին



առաւ, օրհնեց, տուեց նրանց և ասաց. «Խմեցէ՛ք ամենքդ, սա իմ ար-
քանիքն է»։


բիւնն է—ամեն անգամ, երբ այս հացը ուտէք և այս բաժակից խմէք, յիշեցէ՛ք ինձ»։

Մենք էլ այժմ այդպէս ենք ա-
նում։ Տօն օրերին քահանան պատա-
րագ է անում և հացն ու գինին օրհ-
նում։ Յանկացողները զնում են ե-
կեղեցի, քահանային խոստովանում են
իրենց մեղքերը և պատարագից ետոյ
հաղորդւում Յիսուսի մարմնով և ար-
բիւնով։ Սա միւսն է, ինչ որ Յի-
սուս վերնատանը կատարեց։

17. ՅԻՍՈՒՍ ԳԵԹՍԵՄԱՆԻ ՊԱՐՏԻԶՈՒՄ

Հացն օրհնելուց ետոյ՝ Յիսուս իւր
աշակերտներին հետ զուրս եկաւ Ե-
րուսաղէմից և բարձրացաւ Զիթենեաց
լեռու։ Այստեղ Յիսուս ասաց աշա-
կերտներին. «Ինձ այս գիշեր կընեն,
իսկ զուր ամենքդ էլ կթողնէք ինձ և
կփախչէք»։ Բոլոր աշակերտները միա-

բերան ասացին. «Կմեռնենք, բայց բեղ
մենակ չենք թողնի ու փախչի»:



Ձիթենեանց լերան կողքին մի պար-
տէզ կար՝ ռնուներ Գեթսեմանի: Յի-

սուս այստեղ եկաւ և ասաց իւր ա-



շակերտներին. «Սպասեցէք այստեղ,
աղօթեցէք, արթուն կացէ՛ք, չքնէք, որ

փորձութեան մէջ չընկնէք»։ Իսկ ինքը հետը վերցրեց աշակերտներէից երեքին, մի փոքր առաջ գնաց, երեսի վրայ ընկաւ և այսպէս էր աղօթում. «Հայր, եթէ կարելի է, այս չարչարանքը (բաժակը) հեռացրո՛ւ ինձնից, բայց եթէ չես կամենայ, քո կամքն է»։ Յիսուս աղօթքից դարձաւ, տեսաւ որ աշակերտները քնել են և նորից ասաց. «Արթուն կացէ՛ք և աղօթեցէ՛ք, որ փորձութեան մէջ չընկնէք»։ Այս ասաց, դարձեալ հեռացաւ աշակերտներէից և նոյն ձևով աղօթեց։ Այն ժամանակ Աստուած հրեշտակին ուղարկեց, որ գորացնէ Քրիստոսին։ Երեք անգամ այսպէս աղօթելուց ետոյ՝ Յիսուս դարձաւ և աշակերտներին է՛լ քնած գտաւ ու ասաց. «Քանի՞ քնէք, հասաւ ժամը, երբ Յուդան ինձ պիտի մատնէ, վեր կացէ՛ք, ահա գալիս է նա»։

18. ՅԻՍՈՒՍԻ ՄԱՏՆՈՒԹԻՒՆԸ

Այս խօսքերից ետոյ Յուդան բազ-



մաթիւ գինուորներով ներս մտաւ

պարտէ՞՞ սրերով և լապտերներով։
Եկողները Յիսուսին չէին ճանաչում,
որա համար էլ Յուդան առաջուց նը-
շան էր տուել, թէ ում որ համբու-
րեմ, իմացէ՛ք Յիսուսը նա է, նրան
բռնեցէ՛ք։

Մատնիչը մօտեցաւ Յիսուսին,
համբուրեց և ասաց. «Բարեւ, վարդա-
պետ»։ Յիսուս պատասխանեց. «Յու-
դան, համբուրելով ես մատնում ինձ»։
Այն ժամանակ զինուորները մօտեցան
Յիսուսին, բռնեցին և կապեցին, իսկ
աշակերտները թողին և փախան։

19. ՅԻՍՈՒՍ ՔԱՀԱՆԱՅԱՊԵՏԻ ԱՌԱՋ


Զինուորները Յիսուսին կապած
տարան քահանայապետի մօտ։ Այս-
տեղ ժողոված էին Քրիստոսի թշնա-
միները, որ նրա համար մահու պատիժ
նշանակեն։ Քրիստոս ի հարկէ արդար

էր—նա Աստծու որդի էր, բացի լա-
ւութիւնից ոչ մէկին վատութիւն չէր
արել, որ մեղաւոր դուրս բերեն, որ-
պէսզի կարողանան սպանել տալ։ Դրա
համար սուտ վկաներ պատրաստեցին,
որոնք հաստատում էին, թէ Յիսուս
Աստծուն հայոյել է, իսկ Աստուած
հայհոյողին, հրէաների օրէնքով, սպա-
նում էին։ Այստեղ թքեցին Յիսուսի
երեսին. բռունցքով ծեծեցին. ծաղ-
րեցին և մինչև լոյս չարչարեցին։

20. ՅՈՒԴԱՅԻ ՄԱՀԸ

Յուդան երբ տեսաւ, որ իւր մատ-
նութիւնով վճռեցին Յիսուսին սպա-
նել, խիղճը տանջեց, վեր առաւ երե-
սուն արծաթը, տարաւ, ետ տուեց քա-
հանայապետներին ու ասաց. «Ես սը-
խալուեցի, անմեղ մարդու մատնեցի»։
Նրանք էլ պատասխանեցին. «Մեզ ինչ,
դու գիտես, ինչ ուզում ես արան»։

Յուդան, երբ տեսաւ որ Յիսուսին չի կարող օգնել, փողը ձգեց բահանայապետների առաջ և գնաց, խեղդուեց,



որովհետև բանի յիշում էր Յիսուսի արած լաւութիւնները և իւր վատութիւնը, չգիտէր թէ ինչ անէր, քուն չունէր հանգիստ չունէր:

21. ՅԻՍՈՒՍ ՊԻՂԱՏՈՍԻ ԱՌԱՋ

Հինգշաբթի գիշեր հրէաները Յիսուսի համար, իրանց օրէնքով, մահուան վճիռ նշանակեցին, բայց մինչև որ երկրի մեծ դատաւոր Պիղատոսն իրանց վճիռը չհաստատէր, իրաւունք չունէին Յիսուսին սպանել, ուստի ուրբաթ առաւօտը վաղ՝ կապած տարան Պիղատոս դատաւորի մօտ, որ իրանց վճիռը հաստատէ:

Պիղատոսը դուրս եկաւ նրանց մօտ և ասաց. «Ի՞նչ զանգատ ունիք այս մարդու վրայ»: Նրանք պատասխանեցին. «Պա ժողովրդին մոլորեցնում է, ասում է թագաւորին հարկ մի տաք և իրան թագաւոր է անուանում»: Այս որ լսեց Պիղատոսը, Յիսուսին ներս տարաւ իւր սենեակը, քննեց և տեսաւ, որ բոլորն էլ սուտ է—նախանձում են, որ Յիսուս իրանցից լաւ է քարոզում և իրանց սխալները բըռ-

նում է: Պիղատոսը դուրս բերաւ Յիսուսին և յայտնեց հրէաներին, որ նա արդար է:

Քահանայապետները և ժողովուրդը, երբ տեսան որ Յիսուս պիտի ազատուէ, սկսեցին աւելի բարձր աղաղակել և ասել. «Եթէ դու մեր վճիռը չես հաստատի, կայսեր մօտ բեզնից գանգատ կանենք»: Պիղատոսը վախեցաւ հրէաներից՝ չլինի թէ իրա մասին էլ այսպիսի ստեր հնարեն և մէկ էլ չէր ուզում մի մարդու համար հրէաների մեծամեծներին նեղացնել, ուստի վեր առաւ ջուր, ձեռները լուաց նրանց առաջ և ասաց. «Ես Յիսուսին մեղաւոր չեմ գտնում, դուք գիտէք, տարէք, ինչ ուզում էք, արէք—խաչեցէք»: Ժողովուրդը միաբերան աղաղակեց և ասաց. «Թող դրա արիւնը մեր և մեր որդւոց գլխին լինի»:

22. ՅԻՍՈՒՍԻ ԽԱՉԵԼՈՒԹԻՒՆԸ

Երբ հրէաները Յիսուսին խաչե-



լու հրամանն ստացան, հէնց նոյն օրը

առաւօտեան զինուորները վեր առան



յողներ էր, ուստի ճանապարհին վայր

նրան և տա-
րան, որ խա-
չեն:

Երուսաղէ-
մի մօտ մի
բլուր կար՝ ա-
նունը Գողգո-
թա: Որոշե-
ցին, որ Յիսու-
սին այնտեղ
խաչեն:

Յիսուս ին-
քըն էր տա-
նում իւր խա-
չափայտը:
Եւ որովհետեւ
հինգշաբթի
ամբողջ գի-
շերը չէր բը-
նել, սաստիկ

ընկաւ խաչափայտի տակ:

Երբ Գողգոթա հասան, Յիսուսի
ձեռները և ոտները փայտերի վրայ
մեխեցին—խաչեցին: Պիղատոսը խա-
չի վերևում մի տախտակ կախեց և
նրա վրայ գրել տուեց, թէ Յիսուսին
ինչու են պատժում: Տախտակի վրայ
գրուած էր—«Յիսուս Նագովրեցի
Հրէաների Թագաւոր»: Յիսուսի հետ
երկու աւազակ էլ խաչեցին, մինը աջ
կողմում, իսկ միւսը՝ ձախ:

Թէև հրէաները խաչեցին Յիսու-
սին, բայց նա էլի աղօթում և խնդ-
րում էր Հայր Աստծուն, որ չպատժէ
նրանց: Իսկ հրէաներն ընդհակառակը
ծաղրում էին և ասում. «Եթէ դու
Աստուած ես, եթէ դու հրէաների թա-
գաւորն ես, ի՞նչու չես ազատում
քեզ»:

Յիսուսի խաչի մօտ էին կանգնած
նրա մայրը և Յովհաննէս աշակերտը:

Յիսուս շատ էր մտածում մօր համար



և ցաւում էր նրա վրայ, ուստի Յով-
հաննէսին յանձնեց, որ պահէ մօրը:

Այն օրից սկսած՝ Մարիամը Յովհան-
նէսի մօտն էր ապրում մինչև իւր
մահը:

Ժամը իննին խաչեցին Յիսուսին,
իսկ ժամը երեքին ճաշից ետոյ ասաց.
«Ծարաւ եմ»: Զինուորներից մինը
խղճաց նրան, սպունգը քացախի մէջ
թաթախեց, երկար փայտի ծայրին
դրաւ և Յիսուսի շրթունքին մօտեց-
րեց, որ ճաշակէ և ցաւը մեղմէ:

Սրանից ետոյ Յիսուս բարձր ձայ-
նով ասաց. «Հայր, հոգիս քեզ եմ
յանձնում»: Այս ասաց գլուխը կա-
խեց և հոգին աւանդեց:

Այդ ժամանակ արեւը խաւարեց,
երկիրը շարժուեց և ժայռերը պա-
տառուեցան: Այս որ տեսան, ամենքը
լաց էին լինում և ասում. «Ուղիղ որ
Յիսուս Աստծու որդի էր և մենք նը-
րան իզուր տեղը խաչեցինք»:

Սուրբ Աստուած, սուրբ և հզօր, սուրբ և անմահ, որ խաչեցար վասն մեր ողորմեան մեզ:

23. Թ Ա Ղ Ո Ի Մ

Ուրբաթ երեկոյ Յիսուս մեռաւ: Միւս օրը շաբաթ էր—հրէաների Չատիկը—եթէ Յիսուսին խաչի վրայ տեսնէին, հանգիստ սրտով Չատիկ գառը չէին ուտի, դրա համար էլ գընացին Պիղատոսի մօտ և խնդրեցին, որ իրաւունք տայ Յիսուսի մարմինը խաչի վրայից վերցնեն: Պիղատոսը, երբ իմացաւ Յիսուսի մահը, մի քանի զինուոր ուղարկեց Գողգոթա իմանալու՝ արդեօք Յիսուսը մեռել է, թէ ոչ:

Զինուորներից մինը կամեցաւ ճըշտել Յիսուսի մահը, ուստի վեր առաւ գեղարդը, ծակեց կողը, որտեղից արիւն և ջուր բղխեց, որ նշանակում է, թէ նոր է մեռել:

Պիղատոսը, երբ ստուգեց Յիսուսի մահը, թաղման իրաւունքը տուաւ:

Սրանից ետոյ մի իշխան մարդ՝ անունը Յովսէփ, որ Յիսուսի ծածուկ աշակերտն էր, Պիղատոսից խնդրեց, որ մարմինն իրան բաշխեն: Մի ուրիշ աշակերտ էլ՝ Նիկողիմոս անունով, եկաւ և բերաւ անուշահոտ խրնկեր և կտաւ: Սրանք երկուսով գընացին Գողգոթա, Յիսուսի մարմինը խաչից վայր բերին, օծեցին, պատանեցին և թաղեցին:

Յովսէփը իւր պարտիզում իրեն համար մի գերեզման ունէր պատրաստած: Բայց որովհետեւ Յիսուսին շատ էր սիրում, ուստի իւր գերեզմանը նրան տուաւ: Ահա այստեղ դրին Յիսուսի մարմինը՝ մի մեծ քար էլ գլորեցին դրանն ու գընացին:



24. ՅԻՍՈՒՍԻ ՅԱՐՈՒԹԻՒՆԸ

Շաբաթ օրը հրէաների կիւրակէն է—ոչ մի բանի ձեռք չեն տալիս, սրբա համար էլ այդ օրը ոչ ոք չգնաց Յիսուսի գերեզմանը տեսնելու։ Բայց

երբ շաբաթն անցաւ՝ կիւրակէ առաւօտը շատ վաղ՝ դեռ առևր դուրս չեկած՝ Մարիամ Մագթաղենացին և երկու ուրիշ կին զանազան անուշահոտ խնկեր պատրաստեցին և գնացին, որ մարմինն օծեն։

Կանայք ճանապարհին ասում էին միմեանց. «Ո՛վ կըզլորէ գերեզմանի բերնի մեծ քարը»։ Բայց երբ մօտեցան, տեսան, որ քարը դէն էր ձրգած գերեզմանի բերնից։ Մարիամ Մագթաղենացին վազեց աշակերտների մօտ իմաց տալու այս բանը, իսկ միւսները գերեզման մտան և տեսան, որ մի երիտասարդ սպիտակ շորերով նստած է գերեզմանի վրայ՝ աջ կողմում—դա հրեշտակն էր։ Կանայք վախեցան։ Հրեշտակն ասաց նրանց. «Մի՛ վախենաք, ես գիտեմ՝ դուք խաչուած Յիսուսին էք որոնում, բայց ի՞նչու էք կենդանին մե-

ռելսերի մէջ փնտռում—նա այստեղ



չէ, յարութիւն առաւ: Գնացէք, ա-
սացէք նրա աշակերտներին, որ Յի-

սուս նրանցից առաջ կգնայ Գալիլիա,
այնտեղ կարող են տեսնել նրան,
ինչպէս որ ինքն էլ առաջուց ա-
սել է»

Յիսուսի յարութիւն առած օրը մեծ տօն
է. տօնի անունն է Զատիկ: Այդ օրը կարմիր
ձու են ներկում, գառը մորթում և պասքա
պատրաստում:

25. ՅԻՍՈՒՍԻ ՀԱՄԲԱՐՁՈՒՄՆ

Յարութիւնից ետոյ Յիսուս 40 օր
էլի մնաց երկրիս վրայ և շատ անգամ
տեսնուեց իւր աշակերտներին հետ:
Քառասուն օրից ետոյ Յիսուս իւր
աշակերտներին տարաւ Ջիթենեաց
լեռը և ասաց. «Ես այլ ևս ձեզ մօտ
չեմ լինի, ես պիտի գնամ իմ Հայր
Աստծու մօտ. դուք երուսաղէմից
չհեռանաք, սպասեցէք այնտեղ. ես
կլինդրեմ Աստծուն, որ նա իմ փոխա-
րէն Սուրբ Հոգին ուղարկէ ձեզ մխի-

Թարելու և օգնելու: Եւ երբ Սուրբ
Հոգին երկնքից ձեզ վրայ կիջնէ, դուք
իսկոյն զօրութիւն կստանաք՝ ուրիշ
մարդիկ կգառնաք. ետոյ կերթաք ա-
մեն տեղ և կբարոզէք մարդկանց իմ
մասին: Սովորեցրէք նրանց այն ամե-
նը, ինչ որ ինձնից ուսել էք: Ով ձեր
քարոզները լսէ, նրան մկրտեցէք Հօր,
Որդու և Սուրբ Հոգու անունով: Ով
ձեզ կհաւատայ և կմկրտուէ, կազա-
տուէ մեղքերից, իսկ ով չի հաւա-
տայ, կպատժուի»:

Այնուհետև օրհնեց իւր աշակերտ-
ներին և երկինք բարձրացաւ: Բարձ-
րանալու ժամանակ մի ամպ եկաւ և
ծածկեց նրան՝ այնպէս որ աշակերտ-
ներն այլ ևս չտեսան Յիսուսին: Նը-
րանք երկրպագեցին և ուրախ-ուրախ
ետ դարձան Երուսաղէմ և ամեն օր
տաճարում օրհնում էին Աստծուն ու
սպասում Սուրբ Հոգուն:



Համբարձման տօնը կատարում ենք Զատիկից 40 օր ետոյ. տօնի անունն է Համբարձումն:

Համբարձումից ետոյ առաքեալները դարձան Երուսաղէմ և միասին էին վերնատանը: Տասն օրից ետոյ երկնքից յանկարծ մի ձայն լսուեց՝ սաստիկ փշող բամուլ նման և լցրեց այն տունը, որտեղ նստած էին աշակերտները: Սուրբ Հոգին կրակէ լեզուների նման առանձին-առանձին իջաւ իւրաքանչիւրի գլխին: Այս միևնոյն Սուրբ Հոգին Յիսուսի մկրտութեան ժամանակ աղաւնու նման իջաւ նրա վրայ: Սրանից ետոյ առաքեալները լցուեցան Սուրբ Հոգով, շնորհներ ստացան և սկսեցին զանազան լեզուներով խօսել:

Այդ ժամանակ Երուսաղէմում կային՝ բացի Երուսաղէմացի հրէաներից, նաև աշխարհիս ամեն կողմերից ուխտ եկած շատ բարեպաշտ

հրէաներ: Երբ երկնքից իջնող ձայնը




լսուեց, ուղտաւորները շփոթուեցին և մի տեղ հաւաքուեցին: Աշակերտ-

ներն սկսեցին ամենի հետ իրանց հասկանալի լեզուով խօսել: Ամենքը զարմացած լսում էին, թէ առաքեալներն ինչպէս ուրիշ-ուրիշ լեզուներով էին խօսում: Ոչ որ չէր հաւատում իւր լսածին ու տեսածին, սրա համար էլ մէկը միւսին հարցնում էր. «Չէ որ այս խօսողները բոլորն էլ գալիլիացիներ են, անուսում մարդիկ, տեսէք, ինչպէս մեր լեզուներով խօսում և պատմում են Աստծու մեծամեծ գործերը—այս ի՞նչ բան է»: Իսկ ոմանք էլ ծաղրում էին և ասում. «Երևի սրանք հարբած են»:

Այն ժամանակ Պետրոս առաքեալը տեղից վեր կացաւ և սկսեց այսպէս խօսել. «Ով հրէաստանցիներ և երուսաղէմում բնակուողներ, լաւ լըսեցէք ինչ որ ձեզ բարոյգելու եմ—

մենք հարբած չենք, ինչպէս կարծում էք, որովհետեւ դեռ առաւօտեան ժա-



մի ինն է, այդ ժամին մարդ գինի չի խմում: Լսեցէք, ով իսրայէլացիներ,

Աստուած Յիսուս Նաղովրեցուն աշխարհ ուղարկեց. նա եկաւ և ձեր մէջ հրաշքներ գործեց: Դուք նրան չհաւատացիք և խաչեցիք, բայց Աստուած նրան երեք օրից ետոյ յարութիւն տուաւ. 40 օրից ետոյ երկինք համբարձաւ և այնտեղից մեզ համար Սուրբ Հոգին ուղարկեց: Այժմ մենք, որ զանազան լեզուներով ենք խօսում, դա ոչ թէ մեր շնորհն է, այլ՝ երկրնքից եկած Սուրբ Հոգու:

Երբ այս քարոզը լսեց ժողովուրդը, զղջաց, խոստովանեց որ սխալուել է Յիսուսին խաչելով, ուստի շատերը գալիս էին Պետրոսի և միւս առաքեալների մօտ ու հարցնում. «Ի՞նչ անենք, որ մեր սխալն ուղղենք, այժմ հաւատում ենք նրան»: Պետրոսը պատասխանում էր և ասում նրանց. «Ապաշխարեցէք և մկրտուեցէք Յիսուս Քրիստոսի անունով: Ով կմկրտու-

ուէ, նա ևս մեզ նման Սուրբ Հոգու շնորհը կընդունէ»: Այդ օրը երեք հազար մարդիկ հաւատացին Պետրոսի խօսքերին, մկրտուեցին և քրիստոնեայ դարձան:

Հոգեգալստեան տօնը կատարում ենք Զատիկից 50, իսկ Համբարձումից 10 օր ետոյ. տօնի անունն է Հ ո գ ե գ ա լ ու տ:



Ա.

1. Յանունն Հօր.	3
2. Հայր մեր	3
3. Աղօթք դասից առաջ	4
4. » » ետոյ	5
5. » թագաւորի համար	6

Բ.

6. Ս. Կոյս Մարիամի ծնունդը և	7
7. Աւետուհի	8
8. Գրիստոսի ծնունդը	11
9. Յիսուսին տանում են տաճար	17
10. 12 տարեկան Յիսուս գնում է տաճար	19
11. Յիսուսի մկրտութիւնը	22
12. Յիսուս քարոզում և բժշկում է.	26
13. Մարիամ և Մարթա	29
14. Յուդա	32
15. Ունայուլայ	33
16. Խորհրդաւոր ընթրիք	37
17. Յիսուս Գեթսեմանի պարտիզում	39
18. Յիսուսի մատնութիւնը	43
19. Յիսուս քահանայապետի առաջ	44
20. Յուդայի մահը	45
21. Յիսուս Պիղատոսի առաջ.	47
22. Յիսուսի խաչելութիւնը	49
23. Թաղում	54
24. Յիսուսի յարութիւնը	56
25. Յիսուսի համբարձումն	59
26. Հոգեգալուստ	62



4 11 7 4

the

1. *Andromeda* 2
2. *Large* 2
3. *Thyris* 4
4. *...* 4
5. *...* 4
6. *...* 4

the

6. *...* 2
7. *...* 2
8. *...* 11
9. *...* 17
10. *...* 24
11. *...* 21
12. *...* 26
13. *...* 25
14. *...* 32
15. *...* 33
16. *...* 37
17. *...* 37
18. *...* 40
19. *...* 40
20. *...* 40
21. *...* 40
22. *...* 40
23. *...* 40
24. *...* 40
25. *...* 40
26. *...* 40
27. *...* 40
28. *...* 40
29. *...* 40
30. *...* 40

OK

1m

428

1
①

428

2013

ՀՀ Ազգային գրադարան



NL0229621

1580/1